

ИНТЫСЬ АСКИВАЛТОН

Калыктэк тон кин?

Шаркан ёросысь Балтач гурт поселенилэн сюлмаськононъёсыз

Елена САРАМАТОВА

Шаркан ёросысь Курнёйс дышетись Надежда Леконцева депутатэ мынйэ вал гуртсэ биронлэс утён выльсь. Нош сое кутыйзы но Балтач гурт поселениен кивалтисе биризы.

Одиг кыткетын

Надежда Сергеевна гурт поселение депутатэ ёй курисыкысалыз, вылды, Курнё гуртэ сектийс вакытъёс ёй вуысалзы ке.

- Уд жингыртиськы, уд даллашикы ке, сюресэз но уг тупато, ульчаэс но уг югдито. Эшишо ке юон вуёв. Пичи деревняе понна сюлмы бёрдьны кутскиз. Депутатэ мынй ке, главалы улыны маза уг сёты шуыса, кандидатураме поттий. Ачим но валатэк, глава луи, - вера Надежда Леконцева.

Зэм, нырысь-валысь аслыз ачиз синтэм кочышпи кадь потылз. Но Надежда Сергеевна ёз сётски - вамиштэз соку ёрослэн йырыз Александр Прохоров доры. Со ганяк валэктэз: калыкез роддомысь пумитано, берпуметий сюресазы келяно - вань ужед тынад.

- Та кылъёс кужым но сётийзы, синъёсме но усътийзы. Кызы ужаны кулэ шуыса, возьматайзы на надзорной органъёс. Кычэ зол соос киязы кырмыса возе!

Гуртоос Надежда Леконцевалы оско. Шугсекытъёсынызы уйин но жингырто, укнояз но йыгасько. Тани али калыкы райцентре потыны но мырин. Рейсовой автобуссэ пытсазы 1-тий апреле. Кивалтисыслы рейс усътины курыса гожтэтгээс келямын. Валэктон ёвёт на. Гурт поселениын тросязлэн машиназы ёвёт бере, Надежда Леконцева аслэсътиз но машиназэ висъялля.



Вордском Курнё гуртсэ со биронлэс утиз ик. Туннэ татын 21 мурт улэ. Вуно кыскизы. Сюрестэк но уг пукко. Уж сётийс но вань: татын фермер хозяйство возе Валентин Леконцев. Со картошка мерттэ, ю тысэ будэтэ, турын дася.

Туала вакытэ бадзым йыр висён кылдэз: городлы кулэйтэм адямиосты сёйд риелторъёс поселение вайыса кельто, лукыр-лакыр коркаосы пырто. Соосты уже интыян сярысь сюлмаськоно лүэ, сотэк весь юыса уло. Озы Валентин Леконцев гужемллы ас дораз куд-огзэ кутэ. Со сяна, Балтач но Тюар гуртъёсын ужа «Нива» хозяйство. Таиниз кивалтэ Иван Леконцев. Соин валче гуртъёс 94 адямилы уж вань. 930 сюро таза пудо возё, та польс 301-эз - кысконо скальёс. Пыд йылазы лачлач султийзы ни вал. Но туннэ, ёлллы дун синэмэн, уж дун тыронэн шуг-секытгээс кылдо.

Озы, фермер сюлмаськемен, хозяйство тыршемен, Балтач гурт поселение возиське. Надежда Леконцева ачиз но шуэ:

- Мукут гурт поселениосын чоштыса, мынамез самой умой улэ, дыр. Кылсаярысь, сюресъёсты возён пумысен мон уг сюлмаськы. Кёня быгатийско, бюджетысь сомында коньдон колхозлы ужамез понна тырсыко. Уйин лымыя ке, председатель тракторъёсэ поттэ, озы калык 8 часлы ужаны мынэ мычем сюрес кузя. Нош гужем, тулыс ужъёс бырем бере, турнан дыр кутскумтэ дыръя, вань техниказэ поттэ. Бордаз итисько азбаразы трактор возисьёс. Дэмен карьеरысь 2-3 нунал сюй, кёльни поттыло но гуртысь сюресъёсты жуто. Озы берло 2 ар чоже ум ик тодылсике ни, мар со нёд.

«Нива» хозяйство ву гумыосты тупатъяса возе. «Водоканал» огазеяськон школа, администрация, нылпи сад дорозь гинэ вуэз возе. Валче ужало бере, Надежда Леконцева но хозяйстволы юрттыны выре. Кылсаярысь, июнь-июль толэзъёс, уйёс вакчи дыръя, ульчаосты уг югдито. Но уборка дыръя калык 2-тий смене ужаны потэ ке, по-

Шаркан ёросысь Балтач котырысь сюресъёсты сүзяса возе «Нива» хозяйство.

селение соку ик тыл жуатэ. Вань юбоосы светодиодной лампаос юнматэмын. Огшоры лампаен чоштыса, соос коньдонэз шыръяло.

Клубзэс уг пытсало

Надежда Леконцевалэн матысь эшэз, визькенешен юрттисез - Балтач школалэн директорез Анна Стрелкова. Гуртысь котыкуд ужрадээ дэмен ортчыто. Ми ум люкиське, колхозник я дышетись шуыса - ваньмы одиг кыткетын, шуэ Надежда Леконцева.

Гурт поселениын туннэ 2 клуб. Вань бадзымесе ужрадээ ортчыло Балтачын. Тюарын клубблэн юртээ вань - ужасез ёвёт. Татысь калыкез шулдьртыны, чош пукон жытгээс радъяны вуыло балтачээс. Зэм, Тюарысь пулээр жутэм клуб шоры кин кызы учкылэ. Сое сэргтено шуисез но вань, возыны дуно усе угось. Сое так но гурт поселенилэн балансэз вылэ кельтийзы ни. Но Надежда Леконцева.

дежда Леконцева шуэ: кёня быгатомы, сомында возёмы. Пу дасянэз пилорамаосын кивалтисьёс, колхоз ас выламы басьтомы шуизы. Зэм, клубзэс кышъяно но, утяттоно но на. Но пытсад ке, демография лыдпусьёс воксё минусэ кошкозы.

- Милям «пересь доммы» вань. Отын улжись арлыдоослэн прописказы ми дорын. Кылем арын отысь бадямы кулйз, - шуэ Н. Леконцева.

З гуртъёсын 650 мурт пусъемын, уло 540-эз. Со польс 123-эз - пенсионеръёс, 20-эз - «пересь доммы». Школын 82 пинал дышетске, таос польс 20-эз нылпи - мукут поселениосысь. Артысь гуртъёс угось школаоссы пытсаськемын ни. Нош Балтачын спортзалзэс алигес выльдэзы. Стадионазы асфальт кисьтэзы. Туз гужем стадион шорысь бусылез ёрос бюджетысь коньдонэн тупатъяны медо. Пилорама материал висъяны чакла. Скамьяос гинэ но кулэ ук. Сюй ворттыны юрттоз колхоз. Надежда Леконцева али сяме пычайтыны выре чылкыт улонэз, жугжаг утяттонэз.

- Жаг утяттонэз 2019-тий арысен, тылэз-газэз сямен, квитанции пыртозы, шуо. Куд-огэзлэн сое валимез уг поты на. Та бордын ужаны кулэ. Со сяна, туз чакласькомы огзэ ульчамес тупатъяны. Палэнысь лыктэмъёс котырысьтымы сикмес кораса быдто ни, эшишо ке шур вамен жутэм выжез ялан тийяло. Тийяло ке, лэсътон борды но мед басьтиськозы вылэм. Олокычэ но сюлмаськон шеде! Калыктэк тон нокин но ёвёт, шуиско аслым ачим. Школын ужасал ке, ёй но тодылсали, таече но шуг-секытгээс вань вылэм шуыса. Огэз шоры но синме уг кыниськи - пичи ужпум бордьись угось бадзымез кылдэз.

ШУНЫТ КЫЛ

Милемыз уд вунэтиське

Вань удмурт калыклы, «Удмурт дунне» газетын но Национальной библиотекын ужасъёслы сюлмасьтэм тау кареме потэ - соос милемыз, палэнэн улйсъёслы, син азязы возе.

Пермь улосысь Чайковский городын тросян гинэ удмуртъёс улйсъюком, 1990-тий аръёс «Дэмен» огазеяськон кылдыйтим. Удмуртлыкмес

но анай кылмес уттыны тыршисъюком, милемыз пумиськонъёсётчэлэ, концертъёс пуктийсъюком. Удмурт коркаамы но вань, чём гинэ отчы люкасъкылайсъюком, пёртээм ужрадъёсэ Удмурт шаерысь куноосты дорамы отчасъюком. Быгатэммия удмурт журналь-газетъёслы Ижыс асъмое нуллыны тыршисъюком, малы ке шуону почта пыр соосты басьтэммэ уг луы.

Мар луз вордском шаерамы, со сярысь тодэммы потыса, лыдзиськисъюком.

Алигес Пичи Пурга черкогуртэ Татьяна Москвина доры удмурт дэрем вуртытыны шуыса сюрес вылэ потий. Райцентре вуи но, Татьяна Никитична эсээ улон интызэ кызы шедьтэном мэда шуыса, адямиослээс юалляськыны кутски. Йүч кылын ваземелы шоро-куспо арлыдь-

ем нылкышино удмурт кылын веरэз. Сыгч шумпотий. Чайковский кемысь лыктэмме тодий эсээ юалляськыны ёдъя: тий пистэс утчача. Чечнэе ветлэм Аристова ёвёт-а? Библиотекамы пумиськон радъямы ке, лыктыны быгатоды-а? Озы тодматскеммы луиз Йёскальк библиотекаись ужасен Татьяна Николаева. Ми тийледын одно ик пумиськон

жыт ортчытом, шуиз. Озы библиотекын ужасъёслы милемыз доразы куное ётисы. Со быдэсак сэйзэмэн вал Чечнэе ортчам ожъёслы. Пумиськонмы туж шуныт ортчиз, отчы трося калык лыктэмъин вал.

Гажаса Чайковский городын удмуртъёслэн «Дэмен» огазеяськонэнзы кивалтись Валентина АРИСТОВА